

ЭНСИЭЛИ

Намулууһун хаһыата 1935 сыл алтынньы 6 күнүгэр төрүттэспитэ

2001 с.
Ахсынньы
18
күнэ
онтуорунньук
№147 (8990)

Саха Республикатын Президентин
быыбарын көрсө

«МОСКВА ХАРАХ УУТУН ИТЭБЭЙБЭТ»

Инньэ гынан Саха сирин дьылбатын быһаарар суолта-лаах быыбарга Москва ыраас кыайыны ситистэ. Ситистэ... тэнгэ суох кириэтигэр. Тэнгэ суоҕа дьин - бүтэһигэр диэри Кремль быыбарга сүрүн кири-сээччини салгыһына ыйаан сылдыбытыгар. Тэнгэ суоҕа дьин - саха алмааһын дьылба-ата ханнык да сокуоннардаа-бар, сир-майгы нуормалары-наар сыаната күндү буолбу-тугар. Тэнгэ суоҕа дьин - хара бастакыттан административ-най, политической, прокурор-скай ресурсалар харса суох туһаныллыбыттарыгар.

Тэнгэ суоҕа дьин - Москва сахалар уйан сирдэрин таба тайаммытыгар. Эрдэттэн ку-олаһы хайытар инниттэн эл-бэх кандидат турбута. Уйан сирбит - үрүө-тараа сылдыр-бытыгар, улуустарынан, бөлөхтөрүнэн хайдыһыбы-тыгар. Оннооҕор табаарыстыы сыһыаннар республика интэ-риэһинээр үрдүктүк тугул-лаллар, ардыгар.

Татаардар манныкка мо-һуоннуур балаһыанньаҕа Шаймьыттарын утан биэрбэ-тэхтэрэ. Калмыктар эмиэ. Киин былаас уруккуттан «Араартаа уонна баһылаа!» («Разделяй и властвуй!») ди-эни хотуулаахтык туһанара. Ол сиртибэттинэн Аммосов, Ойуунускай, Аржаков, Васи-льев, Ксенофонтов о.д.а. саха ньургун уолаттара буолбутта-ра. История салданар. Рос-сияҕа хаһан баҕарар «Тот прав - у кого больше прав» дьин сокуон дьаһайара. Партия да былааһа, демократия да буол-лун.

Бүгүн республика Прези-денигэр сүрүн кандидатынан В. Штыров табыста. Штыров баар - «Алроса» суох. Кыай-даһына (онно ким да саарбах-таабат бадахтаах) ыарахан сүгэһэргэ тиксирбэ. Алмаас-тан ботуччу өлүүтэ суох бюд-жет тийбэт тириин, тарпат

тараһа. Куру ыга тардыны, бюджет ыстатыйаларын сар-быһы сагаланы турдаҕа.

«Москва харах уутун итэ-бэйбэт»... Москва киниэхэ ким бэринилээбэр эрэ итэбэйэр. Хайдах да диэбиппит иннигэр биир дойдуга олоробут бы-һытынан аан бастаан дойду интэриэһэ өрө тутуллуохтаа-бын киин былаас дьонноро итэбэтиилээхтик дакаастаа-тылар.

Дьэ, аны хайдах буолабыт дьин ыйгык күүрэйэн тах-сар. Тҕа сирин дьонно, сүрүннээн аҕа саастаах өттө, Штыровка куоластаабпыйт, Артурга (ол эбэтэр Руслан Шипковка) барыахпыт дэһэл-лэр. Ол тус бэйэлэрин быра-аптара. Куттала дьин баар - нуучча, саха дьин араарсыы күүрэйиэн сөп. Маныаха бары кандидаттар, кинилэр штаб-тара олус сэрэхтээхтик үлэ-лиэхтэрин наада. Сэрэйдэххэ, компроматтарынан сэрйи түмүктэннэ быһыылаах.

Киин былаас саамай дык-синэрэ Саха Республикатын Президентин быыбара дьон кэлбөккэ буолумуон сөбүгэр. Урукку өттүгэр маннык бы-ыбардарга дьон-сэргэ 65-70 бырыһыана кэлэрэ, билигин сүрүн кандидат дистанцият-тан туораабытынан быыбар-дааччылар өсөөн кэлимиэх-тэрин сөп. Ити төһө сөптөөбүй? Холобура, быыбар буолбатаһына хаттаан бы-бардарга олох атын дьоннор ааттара күүрэйиэн тахсыаҕа. Оччотугар республикабыт балаһыанньата өссө уустугу-руон сөп. Хайдах да диэбит иннигэр саҕа 2002 сылга үктэ-нээри туран республикабыт баһылыктаах буоларыгар гражданскай инспитин толо-руох кэриннээхпит. Онон «Бука бары — быыбарга!» ди-этэхпитинэ сыһа буолуо суоҕа.

В. КАСЬЯНОВ

БИҢИГИ ХАЛАНДААРБЫТ

- Республика Президентин быыбарыгар

диэри — **5** күн

- «Энсиэли» хаһыакка сурутуу түмүктэниэр

диэри — **7** күн

- Саҕа дьылга

диэри — **13** күн

ХААЛЛА...

«Сахам сирэ XXI-с үйэбэ»

Саҕа үйэ сагаланытыгар улууспутугар «Үтүө дьыала» бүтүн республикатааҕы хам-сааһын чэрчитинэн 18 нэһи-лиэккэ 95 үлэ былааннамыта. Итилэртэн 75 объекттар уонна дьаһаллар толорулун-нулар. 12 объект тутууга са-галанан былаан быһыытынан 2002 сылга көһөрүлүннэ.

2001 с. «Үтүө дьыала» үлэ-тэ улуус үрдүнэн 100% толо-рулунна.

Сүрүн объекттартан Түбө, Нам с. спортинвай саалалара, Аппааныга оҕо саада, Даадар учаастагар сыннылан киинэ, ГИБДД дьэстэ, Үөдэйгэ на-чальнай оскуола, оҕо саадын пристройа, Граф Бизрэгэр оҕо саадын пристройа, эмиэ онно кулууп, Бөтүнгэ, Парти-занга, Таастаахха үүтү пере-рабаткалыыр сыахтар, Фрун-

ҮЛЭЛЭР СИТТИЛЭР, СОРУКТАР ТУОЛЛУЛАР

зега оскуола саад, Нам с. «Тал-ба» рынок тутулуннулар.

2001 сылга тутууга саҕала-нан баран, 2002 с. бүтүөхтээх объекттар: I Хомустаахха, Партизанга оҕо саадтара, Партизанга библиотека дьэ-этэ, Аппааныга, Нам с. спортинвай саалалар, Аппа-аныга оскуола остолобуойа, эмиэ итиннэ спортинвай оску-ола уонна спортинвай саала котельнайа, Бөтүнгэ куль-турнай-спортинвай киин, II Хомустаахха оҕо саадын ко-тельнайа көһөрүлүннүлэр.

Итинтэн кестөрүнэн кэ-лэр сылга быйыл тутууга са-галаммыт 10 улахан объект үлэбэ кириэбэ.

2001 с. Түбэбэ, Нам с., Үөдэйгэ, Модукка, Аппааны-га о.д.а. нэһиликтэргэ «Үтүө

дьыала» программатын олох-хо киллэриигэ нэһилиэннэ көмөтө улахан. Хатын Арыы нэһилиэгин оҕо саадын 23 үлэ-ниттэрэ совхоз хонтуоратын уларытан, оҕо саадын онору-уга үлэлиир биригээдэбэ биир ыйдаах хамнаһын анаабыта.

Нам с. предприниматель Т.И. Карамзин автобуостара кыһынгы кэмнэ улуус киин-нин тэйиччи кварталларыгар олорор оҕолору оскуолаҕа бос-хо таһар. Сэрий, тыыл, үлэ ве-тераннарыгар чэпчэтиллэри олохтуур. II Хомустаах нэһи-лигэр сэрий ветерана С.А. Захаров «Үтүө дьыала» ча-аһынай сүөһүтүн биэрэн көмөлөһүөх буолбута итиник хамсааһын бастакы кымына-рынан буолаллар.

В. СЫРОМЯТНИКОВ

САЙДАР КЭСКИЛЛЭРИН ТҮСТЭЭН

Нам селотугар бииртэн биир саҕа тэрилтэ дьэстэ тутуллан үлэбэ кириэн иһэр. Олортон биирдэстэ-ринэн Даадар учаастагар тутуллубут саҕа культура киинэ буолар. Урут котель-най буолан турбут дьэсти тупсаран кэбиспиттэрэ атын кулууптардааҕар туох да итэбэһэ суох, даа-дардарга бэйэлэригэр сөрү-сөп бэртээхэй дьэ буолан тахсыбыт.

Культура киинэ тутул-луутугар Даадар олохтоох-торо бэйэлэрин кылаатта-рын киллэрситтэрэ. Ки-нилэр коменданнар Бочкарева С.С., Рехлясов Р.С., Земскова С.С., Сидоро-ва Т.В., Петухова Е.В. о.д.а. көүлээһиннэринэн үлэлэ-эн бэйэлэрин олорор сир-дэрин тупсарыыга күүс-көмө буолбуттара. Тракто-рист Тимофеев А.И., крановщик Новиков И.В., НПК пилораматын үлэһит-тэрэ, Алексеев В., Сивцев И.И. салайааччылаах баа-һынай хаһаайыстыбалар элбэх сырдаларын биэрбит-тэрэ. Улуус улахан тэрил-тэлэрэ: НПК (дир. Иванов В.П.), «Дьулуур» фонда (дир. Потапов В.Е.), МУ НУ ЖКХ (дир. Кобяков А.Г.) туора турбакка бу дьэ үлэбэ кириитигэр үлэлэ-стилэр. Местников Г.Д. са-лайааччылаах тутуу бири-гээдэтэ дьэ ис-тас өттүн онорууга, Охлопковтар би-

ригээдэлэрэ сыбааркалаа-һыһына, Замятин Н.И. бири-гээдэтэ кырыһатын туту-уга күнү-түүнү аахсыбак-ка үлэлээбиттэрэ. Чааһынай предпринима-тель С.С. Хомподоев кулу-уп ааннарын, тунуктэрин холуодатын онорон биэр-бит.

Ахсынньы 14 к. бу киин үлэбэ кириитэ үөрүүлээх быһыыга-майгыга бэлиэ-тэннэ. Дьокуускайтан культура министр ин сол-буулааччы К.К. Корякин тахан Даадар олохтоох-торун үөрүүлэрин үлэһин-нэ, эбэрдэ тылларын тиэр-тэ. Маны таһынан бу киин тутулуутугар улахан оруоллаах, элбэхтик сүүрбүт-көппүт дьон: Нам с. баһылыга Д.П. Корякин, «Дьулуур» фонда директо-ра В.Е. Потапов, Нам с. дьа-һалтатын кыл. специалиһа, Даадар олохтооҕо С.Г. Ко-карев мустубут дьонно эбэрдэлэрин тиэртилэр.

Кулууп үлэбэ кириити-тигэр өгөлөрүн иһин Коря-кин Д.П., Сидорова Т.В., Новгородов В.Н., Петухова Е.П., «Нам» ТРК улуус дьа-һалтатын махтал сурукта-рынан бэлиэтэннилэр. Нам с. дьаһалтатын махтал су-руктарынан Земскова С.С., Замятин Н.И., Новиков И.В., Тимофеев А.И. тутту-лар. НПК директоругар В.П. Ивановка уонна Даа-дар олохтооҕор С.Г. Кока-

ревка «Үтүө дьыала» ак-тыбынай кыттыыларын иһин үрүн көмүс мэтээл туттарылына.

Даадарга 80-тан тахса ыал олорор. Бу бэйэтэ тус-па микрооройон. Киинтэн ыраах олоколлорунан си-бээстээн бэйэлэрэ туруор-сан сайдар-тэнийэр кэс-киллэрин түстээн киини туттардылар, туттулар. Аны бу дьэбэ мустар, аралдьыйар буолуохтара, сэргэхсийэхтэрэ. Саҕа дьыл быраһыһыһынын манна атаарар былааннаах-тар.

Село дьаһалтатын үлэ-һиттэрэ Д.П. Корякин, Т.А. Кондратьева, С.Г. Кокарев, М.А. Ядрихинская, Р.Р. Кондратьева, Е.А. Муксу-нова о.д.а. даадардар баа-ларын өйөөн, кинилэр ыра санааларын олоххо киллэ-ристилэр. Өрүүтүн да Нам олохтоохторун өйүү, сир-дээхтик салайа олохтоохта-ра дьин эрэнэбит.

Саҕа киини аһы үөрүүлээх бизэһин Н.Ф. Гурьев, НПК студенаарын концерта, «Сардаана» муода театра, опера уонна балет театрын солистка Анаги-на Дьяконова, культура управлениетын специали-һа Е. Эверстова, Намнааҕы культура киинин режиссе-ра Иван Новиков киэргэ-тилэр.

В. РЫКУНОВА

БЫЫБААР

БЫРАК АСААННЬАТА

Уонган тахса хандьытаат
Бириндизингэ турдулар.
Талан ылыһы, дьэ кытаат
Талба олох туһугар.

Кэрэ куолаһа кэриэтэ
Көккөлөһөн тураллар,
«Кэлэр кэскил туһугар
Мийгин талын» — дэһэллэр.

Сокуон сэттэ иэччэхтээх
Эргитиэххэ сөптөөх таах,
Сокуон тоғус харахтаах -
Тустаах дьонго туһалаах.

Атахтаһан, хатыһан
Араас албас туттуллар,
Сууттан суукка бырахсан
Футбол тэбэ ооньбууллар.

Кими-кими быыбардаан
Кими-хара буолабыт?
Хайдах, хантан огуурдаан
Дьолу тутан ылабыт?

Хаһан быыбар кэлэрий?
Хамнас ылыһа этибит.
Кэлин биэрбэт, дьэ эрэй!
Киллэспитин кэтибит.

Тугун бэрдэй, кэрэтэй
Демократия кэлбитэ,
Саҕа олох бэһиэлэй
Эһиэ-эһиэ эһиэки!
СЭКИ

Ахсынны 23 күнэ — Саха Республикатын Президентин быыбара

УОЛБУТУН ТУЛА ТҮМСҮӨҮҮН!

Саха сириг биэс съллаах инники дьылгата быһаарыллар күнэ-дьыла хонон турдах аайы чугаһаан иһэр. Республика Президентигэр кандидаттарынан турбут чулуу дьоммут кэккэлэрэ чарааһыыр. Ити түгэннэ биһиги биир дойдулаахпыт В.В. Колмогоров иһин куолаһы биэрэччилэр ахсааннара элбиэрэ өйдөнөр.

Биһиги улууспут уруксуктан улахан политик дьону иитэн таһаарар үтүө үгэстээх. М.К. Аммосов, И.Е. Винокуров курдук биллиилээх государственной деятеллэр Саха сириг өр сълларга салайбытара уонна кини инники сайдытын тоһумурдаабытара. Биһиги, Нам селотун кырдьаҕастарын сэбиэтин чилиэннэрэ, итинэн киэн туттабыт итинэнэ быйылгы быыбардарга киирсэ сълдьар бэйэбит биир дойдулаахпыт Василий Васильевич Колмогоров кандидатуратын итиитик өйүүбүт.

Бу аҕыйах хонуктаагыта Кремльгэ Саха сириг инники дьылгатын быһаарар түмсүүгэ биһиги республикабытын, кини баайын-дуолун хайдах курдук үллэстибиттэрэ үгүстэри кэлэттэ. Маньык айбардааһын салҕанан барарын уодьуганныыр кыахтаах соҕотох кандидатынан В.В. Колмогоров буолар. Ол иһин этэбит биһиги биир дойдулаахпыт, уолбут тула түмсүүвүн уонна кини туһугар куолаһытын биэрэбиз дииһин.

Нам селотун кырдьаҕастарын сэбиэтэ

БИҢИГИ КИҢИБИТ

В.В. Колмогоров кандидатуратын өйүүр үлүүстара даагы штабтар салайааччыларын САНААЛАРА

НИКИФОРОВ Ю.Е. Хаҕалас: — Биһиги улуу дарханнар ыччаттарабыт. Куттас-хоргус буолбатахпыт. Хаҕаластар бука бары биир санаалаах буолбатахпыт, ити быыбарга сыһыаннаан этэбин. Былаас туруорбуг, былаас өйүүр дьонун сороһор ылһаааччыбыт суох. Бэйэлэрэ хайдах быһаарыттарынан талан ылан быыбардыыр өйдөөх дьоннордоохпут. Ил Түмэн быыбарыгар Хаҕаласка Зоя Корнилова кыайбытыгар биир кини дьэ сөһүн турардаах: «Хаҕаластар соччо буртуу буола иликтэр эбит ээ!» — дьибитэ.

Дьон олох үчүгэй диэки хайыһарын күүтэр. Саха сириг үрдүнэн өйдөөх быыбардааччылар элбэх буолуохтаахтар. Өйдөөх дьон Василий Колмогоровы өйүөхтэрэ!

СКВОРЦОВ А.А. Уус-Маайа: — Мин төрүт олохтоох нууччабын. Омукпуттан тутулуга суох улуска кини барыта эрйдээх олохтоһно. Сайдыбыт тохтоон хаалла, уон съл устата биир сиргэ тэпсэнни турабыт. М. Николаев кэмэ ааспытын өйдөөн, Ельцин курдук үчүгэй баҕайытык уурайан хаалды ээ.

Бу сырыыга биһиги хамаандабыт кыайыа!

ГОРОХОВ В.А. Верхоянскый: — Бастакы сырыыга мин Михаил Николаевы өйбөтүм, иккис сырыыга — эмиз кинини. Уһус сырыыга кинини өйөөбөппүн. Василий Колмогоровы өйүүбүн.

ФОМИН В.К. Усуяаана:

— Мин дьонум 30-с сълларга манна кэлбиттэрэ. Усуяаана мин баар-суох дойдум. Согуруу көһөн барар санаам суох. Дойдубут Усуяаана издэйдэ. Депутатскайдаагы ГОК сабыллыабыттан кини бөгөтө барда. Үрдүк квалификациялаах специалистарбытын сүтэрдитбит. Депутатскайга Үлэ геройдара хаһан эрэ үүнэн тахсаллара, холобур, Проконий Быканов. Тьа сиригэр эмиз кыһыты иитэччилэр, табаһыттар, булчуттар ортолоругар Үлэ геройдара, орденнаах дьон бааллара. Билигин бу дьоммут оҕолоро улаатан олох саамай эрэбин, ыһырыһын көрө сылдыаллар. Улуугуруу кытаанаҕа олохсуйда. Уон съллаах улуугурууттан тахсарбытыгар уодьуста. Уон съл устата республиканы сатаан салайбатах дьону тохтоотуобун. Алмаас баайдаахпыт дьин айдаарабыт да, аҕыйах бөлөх дьон онтон байан-тайан олоролор. Тьа дьонно хайдах курдук эстибиттэрин кини этин саллар.

Россия Сибиир көмөтүнэн сайдыа дьин хаһан эрэ эппиттэринин, мин Россия Саха сириг көмөтүнэн сайдыа, чуолаан Арктика — арктическай улуустар көмөлөрүнэн сайдыа диэхпин баҕарарам. Ол туһугар биһиги командирбытын илдэ иһэбит. Биһиги командирбыт Василий Колмогоров эрэйи кизэр тэбэр аньыһыһы биэриэ, Саха сириг сайдыы суолугар таһаарыа.

ДОПИЛКО М.М. Томпо: — Мин Украина киһитэ Саха сиригэр олорбутум 20 съл буолла. Культура салаатын үлэһитэбин.

Онон тьа сириг дьонно туох-хайдах олохтоохторун бэркэ билэбин.

Чуолаан табаһыттар олохторо тупсарыгар олус баҕарабын. Хоту сир удьуор маанылаах идэтэ — табаны иитии эстибэттигэр, табаһыттар олохторо барҕарыгар баҕарабын. Таба баар буолуо — бары онтон таһнаахпыт, аһаахпыт.

ВАСИЛЬЕВ В.Р. Ньурба: — Дьаданы дойдуга олорору ким баҕарар сирэр, кини эрэ барыта үчүгэй дойдуга олорору баҕарар. Дьэ онон толкуйданан көрүүбүн — дьаданы олоххо сөбүн олорон аастыбыт, үчүгэйи талар кэммит кэллэ. Туох барыта салайааччыттан тутулуктааһын эмиз билэбит. Үчүгэйгэ тиксизэхпитин баҕарар буоллаһыгына дьадайыгы тиэрдибит салайааччыбытын уларыттахпытна эрэ сатанар.

Василий Колмогоров үчүгэй салайааччы буолуо дьин эрэнэбин. Кылаабынаа, кини дойдубут баайын сатаан туһанахтаах, төһөнөн сатаан туһанар да, соччонон хас биридибиттэргэ үчүгэй олуг тиксиз. Баһылай кэмигэр байарбыт туһугар быыбарга бука бары киниэхэ куолаһыахайһын!

ЧИЖЕВСКАЯ И.Р. Эдьигээн:

— Оҕолорун инники кэскиллэрин толкуйдааһын Василий Васильевич Колмогоров кандидатуратын биһирээн, кини туһатыгар үлэли сылдыабын. Дьон-сэргэ санаатыттан, сыһыаньтан көрдөххө, биһиги киһибит кыайар туруктаах. Оннук эрэ буолуохтун!

ИЛЬИНОВ А.С. Кэбээйи:

— Биһиги, кэбээйилэр, биир дойдулаахпыттар улахан эрэлбитин уурабыт. Кини кыайарын туһугар үлэли сатыбыт. В.В. Колмогоров кандидатуратын туһугар быыбар иннинэви охсуһуубут ситиһилээх буолуо дьин кытаанах эрэл санаалаахпыт.

КОРНИЛОВ Г.А. Республика-таагы штаб начальнига:

— Биһиги киһибит, этэргэ дьгы, маһы хайа охсубут курдук, көнө уонна сүдүргү. Мин кинини студены сылдыар көмүрбүтүтүн билэбин. Олус боростуой, быһатын, нуруот киһитэ. Хайа да таһымга кини баҕарар кытта тэһигэ кэпсэтэр кини. Министр кытта — министр, оҕону кытта — оҕо, уулусса да умнаһытын кытта киһилии кэпсэтэн кыһалгатын өйдүүр.

Аҕыс съл устата РФ Генеральнай прокурора үстэ улларыда, ол гужары биһиги киһибитин ким да ылан быраһапта, оннугар ньир-бааччы олордэ. Дьэ мантан көстөр кини дьонуннааҕа, кытаанаҕа, үлэтин чаччы билэрэ. Ол-бу аһыһылааҕа-хараалааҕа, дьиктээҕэ, куомуннааҕа буоллар уһуллубута ырааппыт буолуо этэ.

Василий Колмогоров Россия таһымгар чаччы ытыктанар кини, «сорох-сорохтор» өлөрдүү куттанар киһилэрэ. Ону дьэ бу биһиги, бэйэлээх-бэйэтин дьонно, сирэ-тала олорбуг дуо? Бурятияга эбэтэр Чувашияга маньык киһилээхтэрэ буоллар киэн туттар эрэ аатыгар сылдыах этилэр.

В В КОЛМОГОРОВЫ ӨЙҮҮБҮН

Президентне кандидаттынан туруорулан регистрацияламмыт күүстээх личностартан хайалара олохпут отуорун хамнаппакка көнө сүрүнүгэ киллэрэн, салгы сайынараран, салайан барыан сөптөөвүн, бэйэм ыччабынан сыаналаан толкуйдаан баран, куолаһыпн Василий Васильевич Колмогоровка биэрэргэ быһаарыһым.

Кыра-хара саха нуруота улуу Россияны кытта түөрт сүүсчэкэ съл устата биригэ эйэ-дэмнээхтик олорон, кини көмөтүнэн биллэнти сайдыһаах олоххо он-мин дэһэн, омук быһыһытын ахсаан өтүгүнэн эбиллэн, өй-санаа, үөрэх сайдыы өтүгүнэн атын омукартан хаалсыбакка тийээн кэллээхпит.

Россия уонна Саха Республикатын Төрүт Сокуоннарын инники түһүмэҕэр кини олоххо, үлэҕэ быраагытын туһунан Сокуон дьэнкэтик ситиһии сурулла сылдыаллар. Сокуон олох сүрүннормата буоларын быһыһытын кини дьайыһыта олох бары эйгэтигэр түстүүр, сүрүннүүр күүстээх. Сокуон тутуһулуубат буоллаһына, үлэ-хамнас айтырыыр, сатарыйар. Итинни биллэнти олохпут чаччыта туоһулуур: дьисциплина, бэрээдэгэ, кэһи, үбү-аһы сыһаа-халты туора-маары туттуу, уоруу ода, үгүс омсолоох быһыһылар таһса тураллар. Бу кэлэн аһан иһэр кэмгэ өй-санаа, майгы-сигили өтүгүнэн буомуруу чаччылар салгы сайдар кутталаныһылар.

Республика Президентин талар быыбардарга В.В. Колмогоров кандидатурага туруоруллубута саамай сөптөөх. Кини программатыгар олоххо киллэрээх, толорулуохтаах үлэ-экономика бары салааларыгар киллэрэтиллибиттэр. Промышленоска сана салаалары сайынарары, тьа хаһайыһытыгыгар баар ресурсалары табатык, көдүүстээхтик уонна кичэллээхтик туһанар аһы-үлү онорон таһаарыһын үрдэти, сана технологияннан переработкалааһыны сайынарары, айылҕа харыстабыллаахтык сыһыаннаһын, үөрэхтэһин, доруобуйа харыстабыла, духовнай сайдыы барыта хас бириди кини олоҕун усулуобуйатын тупсарыһыта туһаайыһылар.

В. Колмогоров, биир дойдулаахпыт, кыра сааһыттан нуруотун, дойдугу олохтун-дьаһаһын этинэн-хаанын билбит кини. Москвага уһуннук үлэлээн практикаческай билиини көрүүнү, оопуту муньунна. Үрдүк салаалтаны кытта биригэ үлэлээн, инникитин, уопсай тылы кэбээстик булуоҕа дьин саныһыбын.

Личность быһыһытын киэн диапозоннаах, үрдүк потенциаллаах салайааччы буолара саарбаҕаламнат, ону илтидэбит эйтэ, үлэлэбит үлэ-тэһэрэһилир.

Нам улууну быыбардааччылар, В.В. Колмогоровы өйүөбүн! Кини достинствотын түһэрэ сатыыр сымыйа провокацияга кыран бириэмэн. Сокуон көмүскэлин аһыгар олорон үөрэнээхпитин, үлэлээхпитин баҕарар буоллаххыгына В.В. Колмогоровка куолаһаан!

А.И. АТЛАСОВА, тыһыл, үлэ ветерана, РСФСР нуруотун үөрэтиһитин туйгуна, Нам улуунун бочуоттаах гражданина

БАР ДЬОНУМ, ДОЙДУМ ТУҢУГАР

Саха Республикатын Президентин дуоһунаһыгар кандидат Ф.С. ТУМУСОВ Нам улуунун быыбардааччыларыгар ЫҢЫРЫЫТА

Күндү биир дойдулаахтарым! Нам улуунун ытык-мааны дьонно! Республика сага Президентин быыбардыыр күн тирээн кэллэ. Ахсынны 23 күнүнэви куолаһаһыттан Сахабыт сириг, кини дьонун-сэргэтин инники дьылгата, кэлэр кэскилэ хайдах буолаллара биллэрди к тутулуктаһаҕа.

Мин уһуннук толкуйдаан, бары өтүгүнэн ыараһантан көрөн баран, бигэ быһаарыһыны ыһынан турабын. Дьонум-сэргэм мин олоххо, экономикага уонна политикага көрүүлэрбин ситиһии ырыттыннар, тус бэйэбэр сыанабыл биэрдиннэр дьин быыбарга кыттарбын эрдэ биллэрбитим. Саха сириг мэлдьи көмүскэһэргэ, бар дьонум туһугар туһалааһы онорорго кыһаллабын. Сага үйэ сағаламмыт уустук түһүмэҕэр бэйэм элбэх чинчийиллэрбэр, туһааннаах үлэлэрбэр олобуран нуруот олоҕун тупсарарга, кини тыһын бөгөргөтө көрүүлэрбин олоххо киллэрэр бигэ быһаарыһылаахпын.

Биһиги бары төрөөбүт Сахабыт сириг барҕа баайынан, талааннаах нуруотунан, үтүө үгэстэринэн киэн туттабыт. Ол эрээри, билинээх тустаахпыт: баай республикабытыгар баар кыах ситэ туһаныллыбатыттан нуруоппут хаһаайыһытытын туруга мөлтөөтө, элбэх киһи дьадайы дьин тугун этинэн-хаанынан биллэ. Онон, экономикабытын күүстээх уонна көдүүстээх онорор, олохпут уйгугун үрдэтэр туһугар чуолкай сыаллаах-соруктаах үлэни күүскэ ылсар кэммит үүннэ.

Биллэн турар, салалтаттан үгүс тутулуктаах. Нуруокка күннэтэ тирэтирэр, нуруот истин өйбөүлүн ылар эрэ буоллаһына, былаас күүһүрүөү уонна быһаччы эбээһинэһин ситиһилээхтик толоруоҕа.

Мин республика сага Президентиттан туох эрэйиллэрин, кини тугу оноруохтаарын уонна ситиһээхтэһин үчүгэйдик өйдүүбүн. Сахабыт сиригэр быһыһы-майгы хайдаһын, экономика уонна социальнай эйгэ туруктарын, дьон-сэргэ хайдах олорорун билэбин. Үөскэбит балаһыаннаһы тупсарарга тугу онорор наадатын, салгы хайдах дьаһанары дьэнкэтик көрөбүн. Ол барыта «Байыһыт ыал — саргылаах сайдыы» дьин программабар ситиһии сурулуунна. Күүрээһинээх соруктар булгуччу быһаарыллалларыгар кыратык да саарбахтааппын. Ол эрэллээх мэктиэтинэн Саха сириг нуруота биир сомоҕо, модун күүскэ кубулуйуута буолуоҕа.

Мин Нам дьонно-сэргэтэ бу быһаарыһаах, саха дьонун уйаннарын-хатаннарын биллэрэр кэмгэ ыллыктаах быһаарыһыны ыһынарарыгар бүк эрэнэбин.

Биригэ буоллаһытына, биригэ үлэлээтэхпитинэ үтүө уларыйылар таһсаахтара, Сахабыт сириг хас биридии олохтообун, хас биридии ыал олоҕун уйгута үрдүөү, төрөөбүт республикабыт сайдыы сага кирбиитигэр таһсыаҕа.

Эһинэхэ, Нам бар дьонугар бары үгүнү-үчүгэйи баҕаран туран, хас биридиитин быыбарга кыттыһыны ылан, быһаарар куолаһы биэрэригэр ыһырабын!

Директ ытыктабылы кытта Сөдүөт ТУМУУАП

Саха Республикатын Президентин дуоһунаһыгар кандидат Ф.С. ТУМУСОВ быыбардыыр фондатыттан төлөһиө

Улуус дьаһалтата отчуоттүүр

КЫҤАЛҒАЛААХ НЭҢИЛИЭК КӨМӨНҮ ЭРЭЙДЭ

Ахсынны 7 күнүгэр улуус баһыһын бастакы солбуяааччы В.А. Попов салайар 12 киһилээх бөлөҕө П.Хомустаах нэһилиэгэр дьаһалта 10 ыйдаах үлэтин отчуоттаата. Онно улуус дьаһалтатын управлениларын начальниктара, отделларын, тэриитлэр салайааччылары кыттан, 2001 съл 10 ыйыгар ыһыт үлэлэрин көпсөүлүтэр, ыһытыларга хоруйдаатылар.

Баһыһы экономикага солбуяааччы Т.М. Дьааһына, МУ НУ ЖКХ директора А.Г. Кобяков, үөрэх управлениитин начальнигин хаһаайыһытынаннай чааска солбуяааччы Г.Ф. Габышев, улуус кылаабынай враһын эмтиир чааска солбуяааччы Н.М. Шестаков, ИД УО начальнигин солбуяааччы С.И. Эверстов, улуус баһыһын бастакы солбуяааччы В.А. Попов иһитиннэриилэри онордулар.

Муньах кыттыһаахтара салайааччылартан 15 боппуруоһу ыһыттылар. Кинилэри пенсия харчыта хойутааһына, чэпчэтинэн туһанааччыларга чох нуормата аччаабыта, таас оскуола тутуута, бөһүөлөк үөһэ көһүүтэ, балыһа үлэтэ, урут толорбуг үлэлэрин иһин хамнас тоҕо төлөмөтө, маҕаһынна ыһах этин туппаттара ода интэриһиргэттилэр.

Көпсөүгэ П.Е. Тарскай, дьаһалта баһыһыга, А.П. Олесов, пенсионер, С.А. Захаров, сэрии ветерана ода барыта 6 киһи тыл эттэ. Кинилэр П.Хомустаах нэһилиэгэ 1931 сылдааха оскуола дьизитин общественность күүһүнэн тутан,

бүгүннү «Үтүө дьыала» хамсааһынын 70 съл анаара өттүгэр сағалааһын, салгы атын социальнай объектар үлэҕэ киллэриллибиттэрин, кэлин сылларга ити баһыһын сүгэ сылдан баран 2000 сылтан сағалаан эмиз күөрэйбитин, «Үтүө дьыала» чэрчитинэн начальнай оскуола дьизэтэ тутулуубутун эттилэр. Нэһилиэк бизэ сиригэн тарғанан олорорунан, съл аайы ууга барарыннан сага оскуола уонна балыһа дьизэлэри тутар наадаһаһын, аллараа бөһүөлөктэн үөһэ көһөр наадатын туруорустулар. Олохтоох нэһилиэһинэ оҕуруот үүнэриитинэн, сүөһү иһитининэн дьарыктанан кэлин сылга биридии дьизэ кэргэн ортотунан 80-тан таһса тыһ. солк. дохуоттаммытын иһитиннэрдилэр.

Эдэрдэр олорор усулуобуйа мөлтөүтүн үгүстэрэ көһөр буолбуттар. Эдэр специалистар өр тохтооботтор. Иһэр уу боппуруоһа кыайан быһаарыллыбат. Сэрии ветерана С.А. Захаров «Үтүө дьыала» үлэтигэр сүөһүнэн көмөлөһөр санаалааһын, нэһилиэк олохтоохторун таастаах баллонунан хааччылар наадатын аһына.

Уопсай куолаһаһын түмүгэр дьаһалта 10 ыйдаах үлэтин 23 киһи ортонон, 6 киһи үчүгэтинэн сыаналаата. Онон үлэ ортонон сыаналанна. Муньах кыттыһаахтара икки пууннаах уураағы ыһыһылар.

Отчуоттуур муньаһа Лена-таағы уокурукка Президент бэрэстэбитэлин эбээһинэһин толорооччу П.С. Григорьев кытына.

В. СЫРОМЯТНИКОВ

Редакциятан: Президентне кандидат В.В. Колмогоров туһунан агитацияһыр ис хоһоонноох матырыяаллар кинини өйүүр улуустаағы штаб көнүллээһининэн бэчээттэнэллэр

Саха Республикатын Президентин дуоһунаһыгар кандидат В.В. Колмогоров быыбардыыр фондатыттан төлөһиө

Кини кырдын, сааһыран ис-тэбин ахсын ааспыт, урукку-ну-хойуккуну, эдэр-сэнэх эрдэ-нинээби олодун бэлиэ кэрдиис кэмнэрин өйдөөн-санаан, ахтан аһарар буолар эбит. Дьэ ол да иһин буолуо биһиги сахалар: «Дьэ, былыр онук этэ», — диин уоспутун өһүлэн эрдэпит. Мин ол да сириэн буоллаа уонна эһиги биир дойдулааххыт, аатырбыт тустуук Николай Го-голев аатын кытта бу ахтым сыйһаннаабын суруйарга хо-лонобун.

Мин 1955 сыллаахха педин-ститут историко-филологичес-кай факультетын РОЯШ отде-лениетын III-с курсун студена-бын.

Бу факультет комсомольскай тэрилтэтин комитетыгар спортивнай-маассабай секторы иккис сы-лын салаабын. Комитетпит секретара билигин бокуюн-нук республика нуруотун хаһаайстыба-тын үтүөлээх үлэһитэ, бил-лиилээх совет-скай-хаһаайс-стыбаннай

үлэһит Охлопков Степан Гаври-льевич этэ. Мин секретарына-ан, биир дойдулаахтар, уус-ал-даннар буолан эбитэ дуу, бэркэ тапсан үлэлиирбит. Факультет-пит институтка саамай улахан-нара, онон да буолуо, элбэх күүстээх спортсменнардаахпыт, үгүс күрэхтэһиилэргэ наар бас-татаалыыр буоларбыт. Студеннар эт-хаан өттүнэн сайдалларыгар преподавателлэр көргөнни Геннадий уонна Ирина Гусевтар, Семен Эверстов дьаныардаах-тык үлэлээһэллэрэ. Степан Ох-лопков бэйэтэ бэртээхэй спорт-мен, институт биир күүстээх хайыһардыта буолан, спорт сайдарыгар улахан болгомтотун уурара. Ордук ситиһиилээхтик хайыһар, чөлчөк атлетика, гимнастика, баскетбол, волейбол секциялара үлэлииллэрэ. I раз-рядтаах хайыһардыттар Инно-кентий Сивцев, Степан Охлоп-ков, Иван Брызгалов, Афанасий Левин, баскетболист Александр Самсонов, чөлчөк атлеттар, кус быһыйдар Андрей Михеев, Га-лина Авдеева, Людмила Никити-на, Мария Томшина, Гаврил Бурнашев, боксер Юрий Павлов, гимнастар Владимир Ларионов, Елизавета Ермолаева, Анаста-сия Крылова, волейболистар Тит Романов, Демьян Афанасьев о.д.а. институт, ону аһан респу-блика кизн туттар чемпионон спорт-меннара этилэр. Араас күрэх-тэһиилэр үрдүк тэрээһиннээх-тик ытыллаллара. Студеннар да сүрдээх көхтөөхтөрө, спорт-ка бэриинилээхтэрэ, аатырбыт спортсменнары кумир оностол-лоро. «Мин - Вахтанг Балабадзе-бын» - дии-дии күн ахсын тэбэ-нэттэнэн, оонньоон-күлэн был-чынардын күүрүктөн көрдөрөр буолара миһин кытта бииргэ үөрэммит Александр Егоров, кэники биллиилээх журналист.

1955-56 сс. үөрэх сыла саға-ламмытыгар кэлэн, эмиэ үөрэм-митинэн бардыбыт. Секциялары үлэлэтэн спортсмен студеннар дьарыктарын салаалатылар. Ол эрэри бу дьылбыт уратылаах дьыл буолла. Арай биирдэ Ле-нинградтан үөрэһин бүтэрэн Ва-силей Румянцев диин тустуук кэлбит, тустууга оһолору дьа-рыктыа үһү, ким бағалаах суруй-тарабыт диин буолла. Дьэ баға-лаахтар да көһүннүлэр, эбиитин ол дьикти тустуу албастарын баһылаабыт кини ханнык баға-рар дуолан бухатыгы талбы-тынан тамааттыыр, оройунан хойуостатар үһү диин сурах та-рванна. Мин бэйэм факультетпар кыргыттарга волейбол секция-тын салаабын, бириэмэм суох-ка дьыла да, бу дьикти спорт абы-лана тулуптатабыттан, күүс-уох бэриллибэтэх киһитэ да буол-ларбын, биир күн кэлэн оһолору кытта дьарыктаммытын бар-дым. Ый курдук дьарыктаммы-пыт кэниэ, саас факультеттар икки ардыларыгар көнүл тусту-уга күрэхтэһии ытыллара би-линнэ. Оччотугар биһиги фа-

культетпит сиппит-хоппут ха-маанданы туруорара уустуктар-даах буолсу, сорох ыйааһыннар-га биирдии эрэ тустааччылаах курдукпут. Бу кэрэгэйэ биллэр. I курс саха салаатын студена Дмитрий Данилов тустууга кара маннайгыттан дьарыктана сыл-дьар, мин киниэхэ быйыл саға үөрэнэ кэлбит оһолоргон тусту-охха айылаахтары көрө-истэ, билсэ сырыт диин соруудах аһар-даах этии оноробун. Киним ал-тынны бүтэһин диики, бадах-таах, биирдэһэ ыас хара кууда-ра баттахтаах, атына намыын, холку курдук көрүһнээх, бэйэ-лэригэр сөптөөх эттээх-сииннээ-х уолаттары дьарыктанар

вертушкалаатаа. Коля дьэ ити албаһы олус үчүгэйдик баһыла-абыта.

56-с сыллаахха сааһын фа-культеттар икки ардыларыгар көнүл тустууга күрэхтэһии ин-ститут астовай саалаатын сцена-тыгар тэрилиннэ. Оччолорго күрэхтэһии олимпийскай систе-манан ытытылар буолан, ыйаа-һыннар баар тустууктары бары-ларын кытта кириэһин. Мин ту-ран арай Володя Варламовы кыайдым. Аны Коляны кытта кириэһин. «Дьэ, илигин был-дытааһабын, олох сиздэ», — диин табаарыстарым сэрэттилэр. Мин ону соччо аахайбакка, кө-төһө, чуннаһа барбакка харса суох атакаалаһа сы-рыттахпына арай, доһоор, киним или-ибин эмискэ харба-ан ылбыта эрэ баар - мостикка түһэрдэ, өр-өтөр гыммата, куоттарбата, ыпп-пата, көбүөргэ икки лаппаакыларбынан хам баттаан кэби-стэ.

Кэлин спортив-най журналист Иван Кычкин «Эдэр коммунист» хаһы-акка «Россия үс төгүллээх чемпио-на» диин ааттаах ыс-татыйатыгар ити түгэн туһунан бу курдук суруйбута: «Көнүл тустууга фа-культеттар икки ар-дыларыгар ытыты-лыбыт күрэхтэһиигэ Николай Гоголев бэй-этинээһэр быдан үрдүк уңуохтаах үөрэнэр факультет-тын спортсмен-студенын Андрей Соло-вьеву кыраһыабай бырабыынан көбүөргэ лаппаакы-ларынан хам баттаан маннайгы кыайыы үрдүк өрөгөйүн бил-лэ», — диин.

Кини бу күрэхтэ-һиигэ миһин хоту-та маннайгы прото-кольнай кыайыты этэ. Дьэ мантан ыла сағаламмыты кини к и л б и э н н э э х спортивной олобо, көбүөргэ чарылхай кыайыылара.

Төрдүс, бүтэһик курска үөрэнэ сыл-дьан мин тустуунан дьа-рыктанарбын тохтоппутум, кырдыгынан эт-тээхэ, миһигиттэн улахан тусту-ук тахсыбата биллэрэ, II-с раз-ряд да нуорматын толорон, көнүл тустуулар диин маннык эбит диин билбитим миэхэ сөп курдук. Үс сыл факультетим спортсменнарын кытта син ба-лайда алтыспытым, араас күрэх-тэһиилэргэ кытталарым тэрий-сипитим, кыайылырттан үөрбүтүм-көппүтүм. Кэники уолаттары үһүөннэрин Дмитрий Даниловы, Николай Гоголевы, Владимир Варламовы Үөһэ Ха-лымаға көрсүтэлээн турабын. Володя Варламов Зырянкаға олорон өссө үлэли сылдыбы-та.

Оччолорго биллиилээх спортсменнары көнүл тустууну пропагандалата, спордары тэ-рийэн ытытара оройуоннарын ытыталыыр этилэр. 1963 с. биһи-эхэ Үөһэ Халымаға Николай Го-голев тийбитэ, оччолорго көнүл тустууну оройуонна ким да ха-рахтаан көрө илигэ. Николай сфор ыытан баран бүтэһигэр күрэхтэһии тэрийбитэ. Миһин ыныран көрдөрүүлээх тусту-уга кытынарбыта, ойорос судь-уйалаппыта. Дьибэр сырытын-наран ааспыт ахтыспытыт, ирэ-хоро сэхэргэспитит.

Аатырбыт тустууктар ула-хан спортка атактарын тумсуун сагардыы уган эрдэхтэринэ мин киһилэри кытта эн-мин дэһэн бииргэ сылдыспытыым, бири-эмэни атаарбышын өйдөөн-сана-ан кэллэхпинэ хайдах эрэ чөл-чиригэ, санаам көтөүллэргэ дьылы гынар.

Андрей СОЛОВЬЕВ, тымыл ветерана, Граф Визрэгэ

«НЬУРГУНУН» МИН ОЛОХНОР

Былыргыны былым саппат

Бу күннэргэ Нам улууһугар «Ньургунун» диин ааттаах народ-най ырыа-тойук бөлөгө тэрилли-битэ 40 сылын туолар үөрүүлээх үбүлүөйэ, ыраахтан-чугастан ыалдыгыттары ыныран үөрүүлэ-рин үрдэттэ, үтүө өйдөбүлү үксэ-тэ. Ахсынны I күнүгэр кусту-ура, сынһалан кийитигэр «Ньур-гунун-үйэм сүппэт үөрүүтэ» диин ааттаах үбүлүөй кизэтэ бэрт та-рээһиннээхтик ытытылына. А.Ф. Шестаков аатынан культура ки-нин үлэһиттэрэ бэрт эрдэттэн та-ринэн бэртээхэй көрү толордулар, саға көлүөнэ үгүһүттэр «Ньур-гунуну» алдаатылар, ылахтыы дайа көтүлэр, эдэр сааһы санат-тылар. Саалаа 40 сыл устата бу коллектива искусство кэрэ эйгэ-тигэр эттиин-хаанныын бэринэн, дууһаларын ууран дьарыктам-мыт, ырыа алыбар куустарбыт, үгүкүү үдүскэнигэр үрдүспүт уонна бу бөлөх бүгүһүн күннэ тийээн кэлиитигэр элбэхтик сүүрбүт-көппүт, тэрийсипит эдэр-иттэн эмэнигэр тийэ дьон сүргэлэрэ көтөүллэн, эдэрдэри-гэр түһэн үгүкүүлээн, ырыа бөһөнү ылаан, оһоһаһы оройу-тан тутан, хойукка диири дуоһуа сынһаннылар, урукку кэмнэрин ахтыстылар.

Мин бу бөлөххө 1968-69 сс. үгүкүүлэспитим, өйбөр-сүрэхпэр 32 сыл устата үтүө өйдөбүл, үлэ-бэр-хамнастар күүс-көмө буолан үрдүккэ кынаттыыр. Оччолорго бииргэ үгүкүүлэспит Л. Адамова-ны, М. Сивцеваны, О. Шаринаны, В. Новгородовы саға көрөммүн эдэр саас кэрэтин, кэктибэт бэй-этин көрө сөхтүм, уйадыдым. Мин өйдөбүлбэр киһилэр оччо-тоогу 19-20 саастаах бэйэлэринэн хаалбыттар, билигин бэйэлэрин дьиннээхтик ылымматым. Биһи-ги кэммитигэр үгүкүүлэспит үгүкүүһүт бэрдэ В. Иванов, мин партнерум, хомойуох иһин, суох буолаахтаабыт. Уолаттарбыт В. Колмогоров, С. Москвитин кэлбэ-тэхтэр, В. Максимова «Дадим дрозда!» диин ытырар сағата кулаахпар хатанан хаалбыт. Дьэ оччотуна түһүнэн кэбиһээччи-бит. Саамай умнуллубат өйдөбүл 1969с. тохсунуу ыйга, грузовой массьынаны бүрүйэн баран Нам-Горнай-Бүлүү-Үөһэ-Бүлүү-Ньурба маршрутунан биир ыйга гастроллуу барбыппыт буолар. Аны санаатааха иэдэиннээх са-нааны эбит. Тулууптаах, холоу-һалаах аһаҕас массьынаға айан-ныыр хайдахтаах тулуур эбитэй! Биригэдэбит састаабыгар А.Ф. Шестаков бэйэтинэн, В. Терентье-ев баяныспыт, самодеятельнай композитор И.А. Бубякин, сцена ветерана В. Идрихский, ырыа-һыттар К. Константинов, А. Шадрина уонна 9 киһилээх үгүкүүбүт бөлөгө, биллэрээччинэн оччото-огула биллэ илик, билингитэ Саха республикатын үтүөлээх артиһа А.С. Федоров сылдыспы-та. Биһи үстата 62 концерты ту-руорбуппут (мин анаан балиэтэ-нэр этим), биһир да нэһилиэги көтүппэккэ, сороһун төһөнөн иһэн хабан көрдөрбүппүт. Сорох сир-гэ күннэ иккилии концерты ту-руорар этибит. Биһир концерт про-грамматыгар 12 үгүкүүнү киллэ-рэн көрдөрбүппүт: тачанка, испанскай, венгерскэй, румынс-кай, болгарскай, украинскай, ту-винскай, бурятскай, сибирскэй полька, казахскай, сахалыы уон-на «короннай» үгүкүүбүт юкагир-скай «Лондол». Дьэ хайдах тан-нан бүтэн-оһон иһэрибитин били-гин сөбөбүн. Өссө ортотугар биһиги В. Новгородовтыын «Тап-талым таайытыга» диин дуэттаах этибит. Биллэрээччибит бэрт бы-һылааға, дьон күлүн «Ыгара суох» бараллара. Хайа уонна ме-лодистарбыт А. Шестаков, И. Бу-бякин, частушкаһыт уонна нууч-ча народнай ырыаларын толоро-оччу А. Шадрина бэйэлэрэ туспа кэрэлэр. С. Колмогоров украинс-кай үгүкүүгө үрдүктүк да ыста-нара! Көрөөччүлөр концертытын олус астынар этилэр, концерт канниттэн ыччаты кытта «танцы до укладу» буолара.

республикатын үтүөлээх үлэһи-тэ Р.В. Кирилловаға хаһан да төлөммөт үйэлээх сааска умнул-лубат ытык изстээхпит, дириг махтааһааһыт Чахчы ирдэбил-лээх, илэтигэр бэриинилээх хоре-ограф буолан Нам «Ньургунуна» Намы аатырдан кэллэрэ! Онон бу коллектива үгүкүүлэспитинэн мин өрүү күн туттан дьонго-сэргэбэ, үөрэтэр оһолорбор өрө көтөүллэн кэспийбин. Мин олох-пор бу үгүкүүлэспитим олус көмөлөспүтэ, үүнэрбэр-үрдүүрбэр өрүү көмөлөһөр. Ол курдук мин Роза Борисовна үөрэппит үгүкүүлэрин кинигэбэ тийэн элбэх көлүөнэ ыччакка үөрэппитим. Бүлүү кулуубугар оннооһор хореографтаабытым, детсаадка музыкальнай салааһа-аччынан үлэлэспитим, Бүлүүгэ культура отделын сэбиэдиссэй-инэн, комсомол райкомун аппара-тыгар үлэлэспитим. Бу үгүкүүлэ-рим Бүлүү «Дархан кийитэ» бу-оларбар, республика орто анал үөрэбин преподавателин күрээр кыайыы үөрүүтүн билэрбэр, рес-публикаға үгүкүүгэ элбэх төгүл лауреат, дипломант буоларбар күүс-көмө буолбуттара, кыайыы-га кынаттаабыттара. Онон бу «Ньургунун» бөлөгөр үөрэммит-пин бүүс-бүтүнүү туһаға таһаар-быт үгүкүүһүт, арааһа, мин буолу-ом диин биэ эрэллээхпин.

Бүгүһүн «Ньургунун» 40 сы-лын туолар үбүлүөйүгэр мин ду-ховнай бөлөһүм-бэйэм тэрийбит «народнай» ааты ылбыт «Айыл-гы» диин ааттаах фольклорнай ырыа-үгүкүү бөлөгүм. Бу бөлөгүм мин төрөөбүт улууспар хас да төгүл гастролуан кэлэ сылды-бытын улууһум дьонго көрбүт бу-олуохтаахтар. Үөрүүллээбэ бу бөлөххө улууспар кэлэн Бүлүү колледжыгар оһолору ылан үөрэ-тэн ансамбльбар дьарыктаан ик-кис идэ биэрэн ытытарым буол-лар. Манна «Мичээр», «Ньургу-нун» бөлөхтөн элбэх оһону ылбытым. «Намнар үгүкүүһүттэр» диин үтүө өйдөбүлү үөскэттэ уонна Бүлүүтээби педколледжка Нам оһолоруттан 1993 сылтан ортотунан сыл аайы 30-туу өрү үөрэнэ-рэ ыччаты үөрэхтэһингэ күүс-көмө буолара чахчы. «Айылгы» айар бөлөххө Нам ыччаттара Люба Герасимова, Тоня Соловье-ва, Аял Суздалов, Гуля Слепцо-ва, Паша Никонова, Туяра Мук-сунова, Сардаана Иванова, Клава Аргунова, Наталья Платонова, Наталья Дмитриева о.д.а.ааттара ааттана туруоға.

Үгүкүү диин дьиннээх үлэ-тэн, элбэх көлөһүнүн тахсарын хас биһирди үгүкүүһүт эрэ билэ-рэ буолуо. Роза Борисовна «бу-очара» кини үөрэппит оһолоругар илэ-бааччы көстөр. Ол туоһута-дыңинэх пластика, көнө сис, үөһэ сыһаах уонна үгүкүү харак-терин биэри. Роза Борисовна станоекка элбэхтик эргитэрэ, кор-пуска кичэйэн үлэлиирэ, үгүкүү хас биһирди хамсанытын тус-туса чочуйара.

Бүгүһүн «Ньургунун» үгүкүүһүттэрин, эдэркээн оһолору көрөн олорон элбэи эргитэ саны-гынын, ирдэбиллээхтик көрөбүн, элбэи кэтэһэһин. Үгүкүү бөлөгөр уолаттар суохтара кинини астын-нарбат, хайаан да уолаттары үгүкүүгэ тардыааха, кыргыттары характерга, пластикаға эрчийэх-хэ, көстүүмнэри көрөххэ. «Ньур-гунуну» өһ буоруан аһаһааха, элбэх ууну кутуохха, оччоҕо кини ситэри силигилиэ, үүнүө-чэчириэ, үйэлэргэ аатырыа.

Түгэһинэн туһанан «Ньургу-нун» бөлөххө кыттыбыт бары үгүкүүһүттэри, ырыаһыттары эдэр сааспыт балиэтэ иккистээн тыллыбытынан итиитик эбэр-дэ-либин, кэрэни кытта кэспитит кэмгит, диригин килис тардан, өр сыллара сүппэт үөрүү буолан сүрэххитигэр сөнүхөтүн, доруо-буһаһыт тубустун, олоххут уйгу-та улааттын!

У. КОНДАКОВА,

Бүлүүтээги педагогическай колледж методист-преподава-теля, РФ чөрөһүн туйгуна

Киэн туттар дьоммут — биир дойдулаахтарбыт ОЛЫРААХ СЫЛЛАРГА...



күммүтүгэр физкультурнай са-алаа киллэртээн, тренер Васи-лий Гаврильевич Румянцев ин-нигэр туруортаан кэбистэ. Бу Владимир Варламов уонна Ни-колай Гоголев этилэр. Уолаттар хойутаан да кэллэллэр, дьэ бу күнтэн ылата биһир да дьарыгы көтүппэккэ эрчиллэн бардылар.

Коля маннай угаа дьарыкта-на кэлэригэр күүһүнэн соччо буолбатах этэ. Хата ол онунгар сүрдээх сылбырбата, сымсата, биһир кэм уңуоға суох курдук имиллэниирэ. Кэники күүс киллэринэргэ анаан-минээн дьарыктанан, дьэ, кырдык да-ҕаны күүс-уох да баар буолбута. Онуоһа эһи имигэс бэйэтэ, сыл-бырда туттуулааға дьэ силгэ си-тэн кириэн-тахсан, туттан-хап-тан, элэгэддьитэн үчүгэй, кыра-һаһай тустууну көрдөрөн кириэн барбыта.

ИЙРЭХ ТИМЛАР

Нам улуустаагы потребительскэй обществогар ухундук үлээлээбит чыыл ветеранын ДАНИЛОВА КСЕНИЯ АНДРЕЕВНАНЫ 70 сааскын томточчу туолбукунан иттистик-истинник эбэрдэлибит. Баҕарабыт өссө да ухун дьоллоох олоду, бөгө доруобуйаны, сиргэ баар бары кэрэни, үтүөнү, үчүтэйи!

Ветеринар сэбиэттэрэ

Арбын орто оскуолатын коллективын, учууталларын, үөрэнээччилэрин, урукку выпускниктарын, оворторөппүттэриг бука барыгытын ийпит-үөрөппит, кэрэҕэ угуйбут тавталлаах оскуолаҕыт үбүлүөйүнөн иттистик эбэрдэлибит! Инникитин оскуола учууталларыгар оҕону иити-үөрэтии, билиитэ-көрүүгө, олоххо бэлэмнээх буолууга угуйуу курдук сыралаах уонна кэскиллээх үлэтитигэр өссө элбэх ситиһиилэри, выпускниктаргыт үтүө өйдөбүллэрин, махталларын өрүү ыларгытыгар уонна тус олоххутугар дьолу-соргуну баҕарабыт.

Элбиги выпускниккыт Дьяконов Гаврил Васильевич дьыа кэргэнэ

ЭНЕРГИЯ - ЭТО ТОВАР, ЗА КОТОРЫЙ НУЖНО ПЛАТИТЬ ВОВРЕМЯ

НАМСКИЙ УЧАСТОК ЭНЕРГОСБЫТА ПОДВЕЛ ИТОГИ РАБОТЫ ЗА 11 МЕСЯЦЕВ 2001 Г.

	Потребл.(т.р.)	Оплата (т.р.)	%
Всего по улусу	14523,7	14106	97
Сельхозпредприятия	952,8	875,7	92
Бюджетные предпр.	6249,8	6887,2	110
Предприятия связи	229,1	271,7	119
Промпредприятия	172,9	220,6	228
МУ НУ ЖКХ	1601,3	1818,3	114
Население	4061,9	2747,7	68

Как видно из таблицы, бюджетные предприятия, МУ НУ ЖКХ, промпредприятия и предприятия связи не только оплатили потребленную электроэнергию 2001 г., но и произвели оплату задолженности за 2000 год. И только население и сельхозпредприятия по прежнему плохо оплачивают электроэнергию. Неплатежи за потребленную энергию принимают хронический характер. Намский участок Энергосбыта периодически публикует списки своих должников, тем самым, внушая потребителям о необходимости своевременного проведения расчетов за использованные энергоресурсы. Некоторые должники находятся в «энергетической блокаде», но только по своей вине.

ПРЕДЛАГАЕМ ВАШЕМУ ВНИМАНИЮ СПИСОК ПРЕДПРИЯТИЙ, УЖЕ ОТКЛЮЧЕННЫХ ЛИБО ОГРАНИЧЕННЫХ В ЭНЕРГОСНАБЖЕНИИ:

Предприятие	Руководитель	Задолженность
СХПК «Хоту»	Яковлев В.Д.	21,7 т.р.
УПХ «Нам»	Охлопкова В.И.	32,8 т.р.
СХПК «Тюбя»	Дьяконов Г.Д.	21 т.р.
ПК «Харыйалах»	Бурнашев А.М.	14,5 т.р.

ОТКЛЮЧЕНЫ ТАКЖЕ И ФИЗИЧЕСКИЕ ЛИЦА ЗА НЕПЛАТЕЖИ И НА НИЖЕПЕРЕЧИСЛЕННЫХ ДОЛЖНИКОВ ГОТОВЯТСЯ ДОКУМЕНТЫ ДЛЯ ПЕРЕДАЧИ В СУД:

ФИО.	Адрес	Задолженность
Рыманов В.А.	Ленина 13, кв. 8	2954,94 руб.
Колмогорова М.П.	Октябрьская 45, кв. 11	2318,70 руб.
Яковлева М.Х.	Ленина 19, кв. 12	5908,88 руб.
Аргунова А.С.	Октябрьская 45, кв. 2	1126,62 руб.
Неустрова С.Н.	Октябрьская 43, кв. 6	1373,59 руб.

К СЛЕДУЮЩИМ ПРЕДПРИЯТИЯМ В БЛИЖАЙШЕЕ ВРЕМЯ ТАКЖЕ БУДУТ ПРИМЕНЕНЫ КРАЙНИЕ МЕРЫ:

Предприятие	Руководитель	Сумма задолж.
Намское улусПО	Корнилов А.И.	140,5 тыс. руб.
ЧП Махутова Т.В.	Махутова Т.В.	3,6 тыс. руб.
ООО «Гранильный завод»	Шестаков В.П.	9,9 тыс. руб.
ГУП «Ас-Уөл»	Протопопов М.И.	7,4 тыс. руб.
ЧП Кузьмин А.А.	Кузьмин А.А.	7,1 тыс. руб.

ТЕМНОЕ БУДУЩЕЕ СВЕТИТ НЕ ТОЛЬКО «ЗЛОСТНЫМ НЕПЛАТЕЛЬЩИКАМ» ИЗ ЧИСЛА ЮРИДИЧЕСКИХ ЛИЦ, НО И НЕСОЗНАТЕЛЬНОМ ГРАЖДАНАМ, НЕ ПЛАТИВШИМ ЗА ЭЛЕКТРИЧЕСТВО БОЛЕЕ ЧЕМ ЗА ТРИ МЕСЯЦА:

ФИО.	Адрес	Задолженность
Кутукова О.Ю.	Конда-Крест, 21	6840,75 руб.
Лонгинова А.П.	Чернышевского 43, кв. 4	2248,59 руб.
Эверстова А.И.	Комсомольская, 3	1738,37 руб.
Куличкина М.Г.	Ленская, 1	3256,46 руб.
Алексеева П.И.	Аммосова 12, кв. 2	3445,90 руб.
Михайлова А.А.	Октябрьская 8, кв. 12	1375,64 руб.
Иванова М.Н.	Октябрьская 8, кв. 13	3042,13 руб.
Петрова М.И.	Черныш-го 30, кв. 10	9810,56 руб.

НЕУДОБСТВА ИЗ-ЗА ОТСУТСТВИЯ ЭЛЕКТРОЭНЕРГИИ СОЗДАЮТ СЕБЕ САМИ ПОТРЕБИТЕЛИ. ИМ РЕШАТЬ: БЫТЬ СО СВЕТОМ ИЛИ НЕТ? ЕЩЕ РАЗ НАПОМИНАЕМ, ЧТО ПРИ НЕОПЛАТЕ БОЛЕЕ ЧЕМ ДВА МЕСЯЦА, БУДЕТ НАСЧИТЫВАТЬСЯ ПЕНЯ. «ПРОЦЕННЫХ» ДНЕЙ БОЛЬШЕ НЕ БУДЕТ!

Намский участок Энергосбыта

КЫРЫКТААХ КЫЫНҒЫ КЫТЫАСТЫ

01 сэрэтэр

Сэттиннь 26 күнэ үүнэр түүн I Хомуस्ताахха Уйбаан Шаралов чааһынай гараанын балысхан баһаарыгар МТЗ тракторы кытта 4 массына былдыаммыта. Тустаахтар хамныыр-хамнаабат хашпытаалларын страховка-лаппатахтарыттан хоромньуларын оһорунар көмө өйөбүллэммиттэр. 12 миэтэрэ туоралаах, 20 миэтэрэ усталаах эпиллэс симиэ эркиннээх, көөбүл үллүк үрүттээх уораҕай күлүбүрүччи умайбыта. Гарааны икки тимир оһоһунан сылытта сылдыбыттар. Бүтэһигин хойутаан кэлбит сорсуннаах суоптар И. Охлопков оттубут. Кини арендаһан кыстатар МАЗ массынатын туруоран бааран ааны хатаан, күлүүһүн тылын дьылээхтэргэ киллэрэн аастыт.

Кутааланьы турба суойар суоһуттан үөдүйүтэ саарбахтаммат. Бу быһылаан кэнниттан Хамаҕаттаҕа угуусуу аҕыах хонгунан быысаһан Николай Харитонов баһылыктаах «Экос» бааһынай хаһаайыстыба хортупуйун хаһаатын уонна Колмогоровтар баанньыктарын үрүттэрэ түптөлэммиттэрэ. Эмиэ тимир оһохтортон. Бу сырыыга тута көрүтэлээн көмө ынгыртаан өрөһүммүттэрэ.

Биирдиилээн ыалларга гааска холбонуу аэрохтуруоллар. Онгон атын холумтанаахтары ким хайдах сатырынан онгостон туһанар. Уһун унньуктаах үйэлэр туһары тургутуллан чочуллубут СНиП 11-04-05-91 нуор-

матын быһылыгынан суккуллар буруо тулааһына мас конструкцияттан 38 сантиметртан итэҕэһэ суох тэйитиллээхтээх. Ол тимир турбаҕа быһан-сыҕарытан арыттааһынынан, кирпииччэҕэ кэрэнистээн-халыҕата ууруунан толоруллар. Эбиитин өһүө-үрүт, эркин-хаппахчы эннэлэрэ сыралҕаны аһарбат, иттиһини ингэрбэт хаттыктаныхтаахтар. Холлобур асбестаах ылтаһын иттиһэхэ кээмэйи билиммэт, маньаха харысхалаахсарбат сотору эбэтэр хойут бурҕайы-буорайы содулланыр. Төһөнөн дьыбарсыһы дьайыһынанар да оччонон оттуу суоһуруу улаатар. Республикаҕа баһаардар 15%-ра оһохтортон буолаһаларын 5 сыллаах анализ көрдөрөр.

Хомойуох иһин итэҕэһи-быһаһы чааһынайдар, бааһынайдар эрэ иттихтиир буолбатахтар. Үөдэйгэ Александр Романов директордаах ООО СУ-98 дьоһун тутуу тэрилтэти икки үрдүк кыамталаах хочуоллардаах дэлэйдик иттир кииннэри үлэҕэ киллэрбитэ иккиэн эндрэнчи дьиктөннүлэр. Ол иһин баһаарынай инспекция начальнига Винокуров О.П. бу тыһын суолталаахтары үрүттэрин үрүттэрин булгуччулаах ыраабыланы тутуһуннараы модьуйуста.

Намнаағы быһыһыр этэрээт баһаары умуруорар дьуһуурустуба армия сулууспаһын аастыт, сууттаммат, чэгиэн ыччаты үлэҕэ кэпсэтэргэ ыһтырар.

А. НОВГОРОДОВ

МАХТАНАБЫТ

Мин быһыл от ыйын 23 чыһыһылатын түүнүгэр эмискэ улаханник ыалдын охтубутум. Күн сиригэр иккистээн эргиллибипэр, атаһар туран оҕолорбун кытта олорор дьолломмуһпар сөптөөх диагноһы бириэмэтигэр туруоран, ис сүрэхтэриттэн кыһаллан эмтэбип, көрбүт-истибип үрүн халааттаах ааньалларбар: бастан бэйэ-эбит врачытыгар Гриц Н.В., невропатолог врачтарга О.И. Даниловаҕа, Р.С. Софроновка, анестезиолог врачка Москвитин К.Г., бииргэ үөрэмти дьүөгэбэр Жиркова А.С. уонна нейрхирургия арыаллаан киллэрбит Решетникова Н.И., суоппарга, санитаркаларга, терапевт. Отделение бары эмчиттэригэр амарах сыһыанһыт, диринг билиигит, кыһамһыгыт иһин тыһынан кыайан этиллибэт барҕа махталбын тиэрдэбин.

Эмтэнэн үтүөрэрбэр күүс-көмө, өйөбүл, сүбэ-ама буолбут бар дьоммор: оҕолорбор, кийиһипэр Жаннаҕа, эдьийбэр Саввинова А.Н., балтыбар Горохова Р.Н., кутуппэр Иванҕа, В.П., А.П. Винокуровтарга, М.А., П.Р. Яковлевтарга, кийиһипэр Тихонова В.Н., эдьийбэр Прядезникова Д.К., үлэһит оскуолам коллективыгар: Михайла уонна Н.А. Степанова, Е.М., Р.Г. Поповтарга, Сыромятникова Е.В., Васильева А.Е., Маркова Л.А., Саввинова Н.С., Винокурова А.А., Федорова З.Г., Слепцов И.И. уонна Петрова Е.М., үөрэппит бастагы выпуһум оҕолоругар, үөрэнээчилэрбэр сүһөхтээх бэйэм сүгүрүйэн туран, хоолдуктаах бэйэм хонкуйан туран барҕа махталбын тиэрдэбин.

Кэлэн иһэр Сага дьылынан истинник эбэрдэлибин. Сага сыһа үлэҕэ, үөрэххэ сага ситиһиилэри, үтүө доруобуйаны, дьолу, байылыат олоду баҕарабын.

Сага АССР үтүөлээх учуутала, РСФСР чэрэбин туйгуна М.Н. Бурнашева уонна оҕолоро

Я работаю в Намской поликлинике более 12 лет. Одна воспитываю сына Юру. Родителей у меня нет. Зарплату нам не выдают уже четвертый месяц. В это трудное для меня время мой родной коллектив не остался равнодушным к моей ситуации. Все работники, как один, помогли кто чем смог.

Хочу выразить свою искреннюю признательность и благодарность за теплое и чуткое отношение ко мне старшей медсестре Намской поликлиники Корякиной Людмиле Егоровне и всему руководству, всем работникам поликлиники, профсоюзу Намской ЦУБ, коллективу клинической лаборатории.

Хочу пожелать всем этим добрым людям с отзывчивыми сердцами всего самого доброго на земле, крепкого здоровья, успехов во всем, огромного счастья, семейного благополучия!

С уважением Мордосова Валентина

ИДЬ УО ИИТИННЭРЭ СҮЛҮЛЛҮБЭТЭХ БИЭ БУУТА. ИККИ САА БЫЛДЫАНА. УОЛ ОҒОҒО ЧИЧЧИК БЫҒЫ

03.12.01 с. Алмааһы кырыһытыр собуот гарааһа умайда. ОГПС-нан бэрэбизрэкэ ытыһыллар. Эмиэ ити күн Хамаҕаттаҕа баанньык умайда. ОГПС-нан бэрэбизрэкэ ытыһыллар.

04.12.01 с. Милиция участковой боломуочунайын көмөлөһөөччүгэ В. М. Шелковников бэрэбизрэкэ кэмигэр гр-н Афанасьевтан 30 киһилэһыһаһыһнаах биз сүлүллүбэтэх буутун тутта. Бэрэбизрэкэ ытыһыллар.

06.12.01 с. Партизанга биллибэт киһи В.А.З-2101 автомасыһынан күрэттэ. Хаһааһын — Портнягин Илья Иванович. Уорбалаһааччы көһүннэ.

07.12.01 с. I Хомуस्ताахха гр-н Е. дьыэтин таһыгар тоһон албүтэ көһүннэ. Силиэстийэ отдела бэрэбизрэкэлиир. Эмиэ ити күн милиция старшай участковой инспектора Е. М. Попов гр-н М. С. Архиповтан сокуоннайа суох харайыллар ТОЗ-34 Р уонна ТОЗ-5,6 саалары былдыаата. Силиэстийэ отдела бэрэбизрэкэлиир.

08.12.01 с. Гр-ка П-ттан сайабылыаннаа киридэ: киһи сокуоннай сааһын ситэ илик уолугар чиччик быһыы оһоһулуһуһу туһунан. Буруйдаах гр-н М. тутулуһна. Хамаҕатта олохтооһо, урут сууттаммыт киһи. Холуобунай дьыала көбүтүлүннэ.

09.12.01 с. Гр-н В. Ю. Горбуновтан сайабылыаннаа киридэ: ахсыһыны 8-тан 9-һа буолар түүнүгэр биллибэт дьонор Нам с. Чернышевской ул. 24-дүн 2 кв. киһирэн, «Орион» телевизоры, «Орион» видеомагнитофону, «Россия» магнитофону уорбуттар. Бэрэбизрэкэ ытыһыллар.

Ахсыһыны 9 күнүгэр Никольскайга гр-н О. Е. Колесов, кэргэннээх, биэс оҕолоох, көлөпүнэ үргүү сылдьан тутулуһна.

Урут тохтотулла сылдыбыт дьыалалар көбүтүлүннүлэр, буруйдаахтар тутулуһуннар. Брылева уонна Винокурова Граф Бизергинээҕи «Гранд» маҕаһыһынтан арыгы, ас-үөл уорбуттара билиһнэ. Бу балаһан ыйынаағы дьыала.

Аны ыам ыйыһаағы дьыала. Хамаҕаттаҕа улуусПО маҕаһыһыһынтан арыгы уоруутугар уорбалаһааччы гр-н Данилов чуолкайданан тутулуһна.

ГИБДД линияһынан 15 административнай боротокулотурулуһуһна, о. и. икки итирик киһиэхэ.

Общественнай миэстэҕэ итирик туруктаах сылдыбы иһин 14, кыра күлүгэнистибэ иһин 5, милиция сотруднигар бас бэриммэт буолуу иһин 1 киһи аҕалыһыһна.

ДНД дьуһуурустубатыгар Сбербаан, «Быйан» АО, сир комитетта, улуустаағы киһи баһыһыһа таһыһыллар. Тахсыбатылар: НИПК, Сахателеком, МУП Улуссаб.

МАХТАНАБЫТ

Күндү кэргэммин, аҕабытын, эһээбитин Иванов Василий Васильевичи тийэх суолугар аҕаар ыарахан күнэрибизигэр күүс-көмө буолбут табаарыстарыгар Васильев С.В., Слепцов И.Г., Попов С.А., Сивцев Г.П., орто оскуола, сыһыһыһан киһин, олохтоох дьаһалта, участковой баһыһыһа коллективтарыгар, «Бэттиэмэ» «Чэбдик» түөлбө олохтоохторугар уонна дьүөгэбитигэр медсестра Заровняева Варвара Васильевна, чугас ыалларытыгар, бар дьоммутугар махталбытын тиэрдэбит.

Баҕарабыт кытаанах доруобуйаны, дьолу-соргуну.
Махталы кытта кэргэнэ, оҕолоро, сизинэр, Ивановтар, Кайгародовтар

БИЛЭЭРИИЛЭР РЕКЛАМА

Утерьянны паспорт серии 9800 № 068630, выданный Намским ОВД от 17 мая 2000 г. на имя Даниловой Ольги Андреевны считать недействительным.

Утерьянны паспорт серии I-СН № 700074, выданный Намским ОВД на имя Пестрякова Ивана Николаевича считать недействительным.

Намскому ООО «Быткомбинат» требуется охранник для работы по контракту.
Реализуем войлок подошвенный и ранты.
Администрация

Наймыһаһан дьону үлээтэр предпринимателлэр, бааһынай хаһаайыстыбалар истигилэригэр!

Социальной страхование фондата бу дьыл муус устар ыйыһытан Российской Федерация салаатынан буолбутунан сибээстээн ахсыһыны ый 24 дьери перерегистрацияны булгуччу барыахтааххыт.

Илдэ кэлэр докумуоннаргыт (копиялар):

1. Налоговой инспекцияттан ИНН сибидиэтэлиститибэтэ
2. Государственной регистрация сибидиэтэлиститибэтэ
3. Статистика сибидиэтэлиститибэтэ
4. Банковской реквизиикит
5. 2000 сыл дохуоккут налоговой инспекция декларацията

Нэһиэтигэр дьаһалталаарын баһыһыһыгар бааһынай хаһаайыстыбалар учуока турууларын отчуоттууларын хонтуруолаһаһытыгар аадырыһыт дьаһалта дьыэтин 218 кв.

Күндү таһыһыр эднийбит Үөдэй селотун олохтооһо БОЧКАРЕВА Альбина Ивановна соһумардык елбутунэн кэргэнигэр Бочкарев Юрий Ильичкэ оҕолоругар сизинеригэр бары чугас дьонугар диринг кутурамыһын тиэрдэбит I Хомуस्ताахтан Егоровтар Пинигинэр Намтан Шариннар Уус-Майаттан Тралезниковтар

РЕДАКТОР В.Г. КАСЬЯНОВ
ОТДЕЛЛАР: информация, сурук, төрүт культура, — 21496; бухгалтерия — 21332; факс — 21332; «НАМ» ТРК — 21632; иллюстрация уонна реклама (секретариат), редакционной издательской система — 21141

Төрийэн таһаарааччылар: СР Правительствота, Нам улууһун дьаһалтата, редакция коллектива. Маассабай информация средстводарын туһунан РФ Сокуоннарын тутуһуууу контуруоллуур уонна регистрациаллыыр РФ бэчээккэ Госкомитетын СР региональной управлениетыгар регистрациаламмыт нүөмэрэ — И 0085.
Сурукка ааккытын-суолугун, үлэһитин, дьыэбит аадырыһын чопчу ыйыһы. Редакцияҕакирибит суруктар төһөрүллүбэттэр. Автор этэрэ таһыат санаатыһыһын мэдди биир буолбат.
“ЭНСИЭЛИ” - Нам улууһун хаһыата.
678380, Саха Республикаһа, Нам с., Заложной ул. 2.
E-mail: editor@namtsy.sakha.ru

Талыһыһна уонна таһыһыһна “Энсисили” хаһыат редакционной-издательской систематыгар. Хаһыат Дьокуускайга “Сахаполиграфиздат” НИПК бэчээттэһнэ, Орджоникидзе ул. 38. Формата А3. Кээмэйэ 1,0 бэчээт. лис. Индекс — 54889. Тираһа — 2257. Бэчээккэ илии баттанна — 12:00 ч. 17.12. 2001 Сакааһын №-рэ — 147